

CAROLO FONTANINI  
SEDEM EPISCOPALEM  
CONCORDIENSEM  
ADEUNTI  
JO. DOM. BROVEDANI  
HUMANITATIS  
PRÆCEPTOR  
D.



---

## ECLOGA

**A**LTER nunc, subita ex quo Thyrsis morte peremptus  
Agros deseruit nostros, jam labitur annus.  
Lemenis heu quantus luctus tunc arva premebat!  
Occiduis veluti phæbus cum tingitur undis,  
Nigraque de cælo toti nox incubat orbi,  
Omnia perfusis reticent et mœsta sub umbris;  
Agris haud aliter nostris tum cuncta dolebant.  
Non inter densas corylos, densasque myricas  
Alternis volucres mulcebant cantibus auras,  
Non lætus Corydon recubans sub tegmine sagi,  
Ad fontes notos dulces nec Phyllis amores  
Cantabant calamo; pecudes pecudumque magistri  
Valles et sylvæ, fontes, et flumina Ruris  
Flebant quod Thyrsin fatum percussit acerbum.  
Desine sed mœstos, mea fistula, desine versus.  
Nam post tot lacrymas, post tot ferventia vota  
Nos tandem cælo respexit Numen ab alto,  
Respexit tandem, cura captumque malorum

Nunc alium nobis Solamen dulce ferentem  
Largitur Thyrsin, Pastorum gloria, Thyrsin.

Incipe nunc lætus ergo, mea fistula, versus.

Littora sunt Thyrsi venturo nostra beanda :  
Dulcia pastorum pertentant gaudia pectus :  
Exiliunt comptæ festivo more puellæ,  
Exiliunt pueri præcincti tempora sertis  
Florentes manibus quassant ferulasque bubulci,  
Lilia miscentes thymo foliisque rosarum  
Perfundunt terram, qua processurus odore.

Incipe nunc lætos ergo, mea fistula, versus.

Thyrsis adest, et jam senserunt omnia Thyrsia.  
Purior est aer, insueta sol luce coruscat,  
Mobilibus placidæ colludunt frondibus auræ,  
Rivulus ac undis urget trepidantibus undas  
Herbosas inter grato cum murmure ripas;  
Gratia prima redit. Dulces en vitibus uvæ,  
En poma arboribus pendent, en gramine pingui  
Prata virent; flavescent messibus arva.  
Et flores veluti recreati aspergine roris  
Adventu Thyrsis, tollentes caudice colla  
Virgineos pandunt calices, foliasque rubentes  
Et gratos circum fundunt de cespite odores.

Incipe nunc lætos ergo, mea fistula, versus.

Ecce tenet sylvas, et cætera rara voluptas.

Faginea volucres densa sub fronde latentes  
 Hos inter lucos emittunt gutture cantus,  
 Dum cornu tauri, cursu saltuque capellæ  
 In prætis alacres gaudent certare vicissim.

Incipe nunc lætos ergo, mea fistula, versus.

Fontibus excitæ Nymphæ, silvisque Napææ  
 Capripedes Fauni, læti Satyrique bicornes  
 Plaudentes Thyrsi ducunt per gramina saltus.  
 Tityrus, et Corydon, Damoetas, Mopsus, Amintas  
 Silvestrem calamum, quem quis suspenderat ulmo  
 Vicinæ capiunt, et Thyrsis amore calentes  
 Dant ori, ac omnes modulantur carmina Thyrsi;  
 Carmina, quæ valles reddentes saxaque pulsa  
 Auribus arrectis vicino ab limite Turrus,  
 Adriacus pontus, nec non Liquetaus audit,  
 Felicemque canunt vitam sortemque beatam,  
 Quum tantum nobis donarunt Numina Thyrsin.

Dic quæ nos inaneant, mea fistula, fata secunda.

Auctus doctrina divino incensus amore,  
 Presaga sortis donatus mente futura,  
 Constanti servens animo scæque periculis,  
 Humanisque modis pariter spectandus, et omnis  
 Clarus depromptæ cælo virtutis honore  
 Tot noxas Ruri, Gregibus tot funera passa,  
 Sacratasque venit leges reparare jacentes

Thyrsis posthabitus nullis a Numine missus.

Dic, quæ nos maneant, mea fistula, fata secunda.

Ut prolis mater nimio quæ flagrat amore,  
 Ne quid forte mali metuens contingat in illam  
 Furtim fert oculos, sequitur, quo tendat, euntem  
 Ludendi studio, præsto semperque periclis,  
 Et gremio complexa sovet, si quando queratur,  
 Demulcetque manu, et dictis blanditur amicis,  
 Oscula defigens, sic nos quoque Thyrsis amabit;  
 Valles et colles montes lustrabit, et agros,  
 Commissas visurus, oves, oviumque magistros.  
 Sin foetus teneros mactantia monstra ferarum  
 Discurunt agros; statim cum venerit ipse  
 Rursus præcipiti fugient in tartara cursu.

Dic, quæ nos maneant, mea fistula, fata secunda.

Duros haudquaquam parcat tolerare labores  
 Ut, quæ sordescens cæcis erroribus acta  
 Nescia pastoris per devia saxa capella  
 Palatur, repetat divinum rursus ovile;  
 Ut fontis vivi salientes ducat ad undas  
 Depulsam putridis. Limosis pascua scirpis,  
 Sentibus, ac herbis satagens purgabit amaris.  
 Pastores vigiles mulcebit laudis honore,  
 Arguet ignavos, raptores pellet ab agnis.  
 Nunc telum et radius fiet, quandoque savusque.

**Dic, quæ nos maneant, mea fistula, fata secunda.**

**Amplius haud lædent febris contagia septa,  
Nec metuent armenta lupos, rabidosque leones.**

**Florenti cytiso posthac depasta capella**

**Ubera pastori referet turgentia lacte,**

**Pinguibus, et multis semper lætabimur agnis,**

**Totaque florebut Thyrsis moderamine Rura.**

**Oh salve, o Thyrsis, salve o, quem multa precati**

**Munere cœlesti largitum novimus esse,**

**Ruribus ut fieres nostris columenque salusque.**

**SANCTI DANIELIS**

**MDCCCXXVII.**

**TIPIS ANTONII BIASUTTI**